



SIUMUT INATSISARTUNI ILAASORTAATITAT

10. oktober 2012

Inatsisartut suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

Qasigiannguaniittut inissiat illut 71-inik taajorneqartut B469, B470, B471, B474, B475, B489, B491 kiisalu B618 qaqugu nutarsarneqarnissaat pilersaarutaava?

(Inatsisartuni ilaasortaq Kristian Jeremiassen, Siumut)

Tunngavilersuut:

Qasigiannguaniittut Illut 71-inik taaneqartartut ullutsinnut naleqqutinngillat, pisoqalivallaarsimapput nutarterneqarnissaallu pisariaqalivissimallutik, allaat ilisimavara meerartalinnut naleqqutinngitsutut taaneqartartut pisoqalivallaarnitik pissutigalugu.

Ukioq issinnerata nalaani allaat qaammat sinnerlugu inissiat ilaanni sinittarfimmi sinittoqartarsimangilaq inissiat qianarlutik nillingaarmata, taamatullu issinnerata kinguneranik qipiit sinittarfimmi issinnerata kingorna qerisarsimapput atisalerlunilu sinittoqartariaqarsimalluni. Taamaammat isumaqarpunga piaartumik nutarsaasoqartariaqartoq.

Kissaatigaara apeqquteqaatikka ullut suliffiusut qulit iluanni akineqareersimanissaat.